

# UNISSA hulur sumbangan keperluan sekolah



ANTARA yang menerima bantuan alat persekolahan (atas dan kanan).

## Siaran Akhbar dan Foto : Universiti Islam Sultan Sharif Ali

**TEMBURONG,** Selasa, 3 Januari. - Unit Kebajikan dan Kemasyarakatan, Majlis Persatuan Pelajar Sesi Pengajian 21/22 (MPP 2021 / 2022), Universiti Islam Sultan Sharif Ali (UNISSA) telah mengadakan Program Minna Ilaikum 2.0 di empat buah sekolah agama di Daerah Temburong iaitu Sekolah Agama Semabat, Sekolah Agama Amo, Sekolah Agama Selangan dan Sekolah Agama Bokok.

Program Minna Ilaikum 2.0 yang membawa maksud 'Dari kami, untuk kamu' merupakan program yang kedua kalinya dianjurkan oleh Unit Kebajikan dan

Kemasyarakatan (UKBKM) bersempena dengan sesi persekolahan yang akan datang. Program ini menyalurkan bantuan barang keperluan sekolah kepada murid-murid sekolah agama tersebut selain membuka ruang kepada warga UNISSA untuk beramal dan berkongsi kegembiraan dengan menghulurkan sumbangan berupa keperluan sekolah untuk mereka yang memerlukan.

Selain itu, program ini dapat menjadi sebuah platform dakwah dalam usaha untuk menanamkan sikap keprihatinan dan pemedulian kepada masyarakat luar.

Projek ini dijayakan melalui pengumpulan dana melalui acara larian amal semasa Sukan Tahunan UNISSA yang lalu, acara jualan makanan serta sumbangan dana dan barang-barang keperluan sekolah.

Acara pada hari tersebut telah dimulakan dengan bacaan Surah Al-Fatihah serta Doa Selamat serentak di semua sekolah yang terlibat. Kemudian diteruskan dengan pengagihan barang keperluan sekolah kepada 53 orang pelajar dari empat buah sekolah tersebut.

Turut hadir pada acara tersebut, Dekan Pelajar, UNISSA, Nurhafizatulhikmah binti Haji Seribini.



WAKTU SEMBAHYANG IMSAK 4.56 | SUBUH 5.06 | SYURUK 6.29 | DUHA 6.54 | ZUHUR 12.26 | ASAR 3.48 | MAGHRIB 6.20 | ISYAK 7.35

TAHUN 68 BILANGAN 2

4 JANUARI 2023 / 1444 جمادي الآخر 11

JABATAN PENERANGAN

EDISI RABU / PERCUMA

MANISNYA IMAN مانيسن ايمان

"SESUNGGUHNYA Allah tidak mengubah keadaan apa yang ada pada suatu kaum sehinggalah mereka mengubah keadaan apa yang ada pada diri mereka sendiri. Dan apabila Allah menghendaki untuk menimpakan keburukan (azab) kepada suatu kaum maka tidak ada yang dapat menolaknya. Dan mereka tidak memperoleh perlindungan selain daripada-Nya".  
- Firman Allah Subhanahu Wata'ala dalam Surah Ar-Ra'd, ayat 11.

Daerah Belait ditambah 3 minit  
Daerah Tutong ditambah 1 minit



Dengan mengadakan acara seperti ini, diharapkan ia dapat serba sedikit meringankan beban ibu bapa yang kurang berkemampuan serta menyuntik

semangat murid-murid yang terlibat untuk menghadiri sesi persekolahan dengan keperluan dan peralatan sekolah yang baharu.